



Erediens

Geloofsbelydenis

Spaanse

SPAANSE

Ons glo in God die Almagtige,
 Skepper van die hemel en die aarde;
 Skepper van alle nasies en kerke;
 Skepper van alle tale en rasse.

Ons glo in Jesus Christus, sy Seun, ons Here,
 God wat mens geword het as 'n mens vir die mensdom,
 God wat mens geword het in tyd vir alle tye,
 God wat mens geword het in een kultuur vir alle
 kulture,
 God wat mens geword het in liefde en genade vir die
 hele skepping.

Ons glo in die Heilige Gees
 deur Wie God in Jesus Christus sy teenwoordigheid
 bekend maak in ons mense en in ons kulture,
 deur Wie God, die Skepper van alles wat bestaan, aan
 ons die krag gee om nuwe skepsels te word,
 Wie se oneindige gawes ons een liggaam maak: die
 liggaam van Christus.

Ons glo aan die kerk wat universeel is, omdat dit die
 teken van God se heerskappy is,
 Wie se getrouheid in al sy skakerings getoon word
 waar al die kleure saam net een landskap teken, en
 alle tonge dieselfde lof besing.

Ons glo aan die (finale) heerskappy van God –
 die dag van die groot Fiesta
 wanneer al die kleure van die skepping 'n harmoniese
 reënboog sal vorm,
 wanneer alle mense sal deelneem aan 'n vreugdevolle
 feesmaal,
 wanneer alle tonge in die heelal dieselfde lied sal
 sing.

En omdat ons glo, verbind ons ons:
 om te glo vir hulle wat nie glo nie,
 om lief te hê vir hulle wat nie liefhet nie,
 om te droom vir hulle wat nie droom nie,
 tot die dag wanneer hoop 'n werklikheid word.